



ZARAUZKO UDALA

# Zarauzko Udala Euskara Departamentua

## Euskara Departamentuko dirulaguntzak emateko Oinarri espezifikoak

1. Helburua
2. Onuradunak
3. Prozedura
4. Dirulaguntza emateko irizpideak
5. Gehienezko kontzeptuak eta zenbatekoak
6. Onuradunen betebeharrak
7. Zuzkidura eta aurrekontu-partida
8. Ebazpena
9. Dirulaguntzaren erabileraren justifikazioa
10. Dirulaguntzen ordainketa eta aurrerakinak
11. Publizitatea
12. Araudia

## 1. HELBURUA

Oinarri hauen helburua da euskararen inguruko motibazioa, ikerketa, ezagutza eta erabilera sustatzen duten jarduerari dirulaguntzak, norgehiagoka araubidez, emateko prozedura arautzea. Jarduerak beren proiektio eta interesagatik bat etorriko dira **Euskara Departamentuaren** honako programen helburuekin:

### a) Erakundeek motibazioa sustatzeko antolatutako jarduerak eta programak

Euskararen aldeko motibazioa helburu duten jarduerak eta programak.

### b) Erakundeek euskararen ezagutza sustatzeko antolatutako jarduerak

“Euskara” gai nagusi duten jarduerak: horien artean sartuko dira euskararen egoera jakinaraztekoak; euskara berreskuratzeko hitzaldiak, ikastaroak, plangintzari buruzko ekintzak, etab.

### c) Euskararen erabilera sustatzea helburu duten erakundeen jarduerak eta programak

Atal horretan bereiziko dira:

- ✓ Euskararen erabileraren kantitatea azpimarratzen dutenak: jarduera bera euskaraz izatea, jarduerak bere euskara mintzatua eta idatzia sustatzea...
- ✓ Euskararen kalitatea bultzatzen dutenak: maila jasoko euskara, hizkuntza teknikoa, etab. sustatzeko.

### d) Erakundeek edo pertsona fisikoek Zarautzekin eta Euskararekin lotuta antolatutako proiektuak

Zarautzekin eta euskararekin lotutako programak.

Espresuki dirulaguntzen emakidatik kanpo utziko dira kultura- edo gizarte-elkarte eskatzaileek zuzenean egiten ez dituzten programak eta jarduerak

## Diruz laguntzeko jarduerak:

### a) Euskarazko argitalpenak

Irizpideak:

- ✓ Osorik euskaraz argitaratuak izatea.
- ✓ Besteren artean, Zarautz izatea bere hedapen-esparrua.
- ✓ Irabazi-asmorik gabea izatea.
- ✓ Udalaren beste dirulaguntza bat ez jasotzea.

### b) Erakundeek antolatutako orotariko jarduerak

Irizpideak:

- ✓ Euskararen erabileraren normalizazioa azpimarratzen duten erakundeak izatea.
- ✓ Urteko jarduerak eta programak euskaraz egitea. Erdaraz egitekotan, beren helburua euskararen erabilera sustatzea izatea.
- ✓ Jarduera Zarautzen ere egitea.

- ✓ Irabazi-asmorik gabeak izatea.
- ✓ Udalaren beste dirulaguntza bat ez jasotzea.

### c) Urteko proiektuak

Irizpideak:

- ✓ Erakundeek urte osoko jarraitutasunarekin antolatutako jarduera egonkorrak.
- ✓ Hizkuntza-normalizazioko proiektuak, esparru guztietan -eta bereziki, jarduera sozioekonomiko, sozial eta kulturalen sektoreko erakunde eta entitateetan- euskararen ezagutza, erabilera eta hedapena bultzatzen dituztenak.
- ✓ Herritar guztien partaidetzara irekita dauden jarduerak izatea.
- ✓ Osorik euskaraz izatea.
- ✓ Udalaren beste dirulaguntza bat ez jasotzea.

### d) Ezohiko proiektuak eta jarduerak

Irizpideak:

- ✓ Elkaratek eta taldeek antolatutako ezohiko proiektuak eta jarduerak.
- ✓ Hizkuntza-normalizazioko proiektuak, esparru guztietan -eta bereziki, jarduera sozioekonomiko, sozial eta kulturalen sektoreko erakunde eta entitateetan- euskararen ezagutza, erabilera eta hedapena bultzatzen dituztenak.
- ✓ Herritar guztien partaidetzara irekita dauden jarduerak izatea.
- ✓ Osorik euskaraz izatea.
- ✓ Udalaren beste dirulaguntza bat ez jasotzea.

## 2. ONURADUNAK

Dirulaguntza horiek oinarri hauetan zehaztutako esparruan euskara normalizatzeko programak garatzen dituzten **pertsonak** eta **erakundeak** eskatu ahal izango dituzte, legearen arabera eratuak eta dagozkien erregistroetan inskribatuak, behar den IFZ dutenak eta beren jarduera nagusiki Zarauzko udalerrian garatzen dutenak.

Salbuespen gisa, zehazten den kasuetan eta Euskara zinegotziaren proposamenaz, Zarauztik kanpoko entitateek ere jaso ahal izango dituzte dirulaguntzak, hain zuzen ere bere jardueren zati nabarmen bat udalerrriaren barruan garatzen bada edo udalerriarentzat interesgarri jotzen bada.

### Dirulaguntzen onuradunak izateko debekua:

Oinarri hauetan araututako dirulaguntzak ezingo ditu jaso ondorengo zirkunstantziaren batean dagoen erakundeak:

- 38/2003 Legeak, azaroaren 17koak, dirulaguntzenak, 13.2 artikuluan zerrendatutako edozein.
- 26/2015 Lege Organikoak, uztailaren 28koak, ezarritakoari jarraikiz, sexu-delituengatik administrazio-, lan- edo zigor-arloko zehapenak jaso dituzten pertsona fisiko nahiz juridikoei.

- Emakume eta Gizonen Benetako Berdintasunari buruzko martxoaren 22ko 3/2007 Lege Organikoan eta Emakume eta Gizonen Berdintasunerako 4/2005 Legean ezarritako betekizunak betetzen ez dituzten pertsona fisiko nahiz juridikoei.
- Emakume eta gizonen arteko berdintasunaren printzipioaren aurkako helburuak, sarbide-sistemak, funtzionamendua, ibilbidea, jarduera, antolaketa edo estatutuak dituzten, eta sexuaren, ideologiaren, jaioterriaren, nazionalitatearen edo sexu-joeraren ziozko diskriminazioa egiten duten pertsona fisiko nahiz juridikoei (Emakumeen eta Gizonen Berdintasunerako Zarauzko Udal Ordenantzaren 38.artikulua).
- Berdintasunerako eta sexuagatik diskriminatuta ez izateko eskubidea urratzeagatik administrazio-, lan- edo zigor-arloko zehapenak jaso dituzten pertsona fisiko nahiz juridikoei (Emakumeen eta Gizonen Berdintasunerako Zarauzko Udal Ordenantzaren 38. artikulua).

Irakaskuntza-zentroak deialdi honetatik kanpo geratuko dira.

Pertsonen eskubideen aurkakoak edo iraingarriak diren edukiak dituzten jarduerak edo programak ez dira onartuko.

Eskaerek baldintza hauek bete beharko dituzte:

1. **Euskara Departamentuaren urteko deialdian** zehazten den eskaera ofizialaren eredua (7.3A inprimaki eredua) betez egin beharko dira, non elkartearen ardura-postuetako edo / eta bazkideen osaera-datuak, sexuaren arabera bereizita zehaztuko diren.
2. Programa edo jardueraren ordezkari edo pertsona arduradunak dirulaguntza eskatzeko inprimaki ofizialaren gelaxka GUZTIAK beteko ditu.

Udaletxeko Erregistro Orokorrean hilabeteko epean aurkeztu beharko dira, dagokion deialdia Gipuzkoako Aldizkari Ofizialean argitaratzen den egunetik kontatzen hasita:

- Udaletxea (HAZ - Herritarren Arreta Zerbitzua)
- Udal zerbitzu telematikoak.

Eskaerarekin batera Zarauzko Udaleko Ordenantza Orokorreko 14. artikuluan ezarritako dokumentazioa aurkeztuko da.

Eskabidearekin batera, zehazki honako dokumentazio hau aurkeztu beharko da:

- Elkarteko eraketa-eskrituraren eta estatutuen kopia.

Eskatzen diren agirietakoren bat Zarauzko Udalaren esku baldin badago, dirulaguntzaren eskatzaileak erabil dezake urriaren 13ko 39/2015 Legeak, Administrazio Publikoen Administrazio Prozedura Erkidearenak, 28.3 artikuluan xedatzen duena, baina agiriak zein egun, organo edo bulegotan jaso edo egin ziren adierazi beharko du, betiere dokumentu horiek loturik diren prozedura bukatu eta bost urte baino gehiago igaro ez bada.

Eskaera orria edo harekin batera aurkeztu beharreko agiriak akatsez edo osatu gabe baldin badaude, interesdunari errekerimendua egingo zaio hamar eguneko epean falta zuzentzeko edo aurkeztu ez dituen nahitaezko dokumentuak eramateko, eta adieraziko zaio, hala egin

ezean, eskaera atzera egindakotzat joko dela, urriaren 13ko 39/2015 Legeak Administrazio Publikoen Administrazio Prozedura Erkidearenak, 68.1 artikuluan xedatzen duenaren arabera.

### 3. PROZEDURA

Dirulaguntzak emateko prozedura Zarauzko Udaleko Ordenantza Orokorrean ezarritakoa izango da.

### 4. DIRULAGUNTZARAKO IRIZPIDEAK

Dirulaguntzak emateko ondorengo alderdiak hartuko dira kontuan, eta eskaerarekin batera (7.3A inprimaki erdua) doan memoria labur batean egiaztatu beharko dira:

- Elkartearen ibilbidea, jarraitutasuna eta egonkortasuna, bazkide-kopurua etabar.
- Burutu beharreko programa edo jarduera.
- Programaren edo jardueraren bideragarritasun ekonomikoa
- Elkartearen finantza-baliabideak.
  
- Oinarri hauetan, Euskararen Erabilera Normalizatzeko Udal Araudiak ezartzen dituen derrigorrezko betebeharrak betetzea (7.3D inprimaki erdua), eta hala badagokio, horri dagozkion neurri osagarriak adieraztea.
- Oinarri hauetan, Emakumeen eta Gizonen Berdintasunerako otsailaren 18ko 4/2005 Legeak, ezartzen dituen derrigorrezko betebeharrak betetzea (7.3B inprimaki erdua), eta hala badagokio, horri dagozkion neurri osagarriak adieraztea.
  
- Oinarri hauetan, Ingurumenari buruzko Udal Araudiak ezartzen dituen derrigorrezko betebeharrak betetzea (7.3B inprimaki erdua), eta hala badagokio, horri dagozkion neurri osagarriak adieraztea.
  
- Oinarri hauetan, ekainaren 25eko 18/1998 Legeak, drogamenpekotasunen arloko aurrezaintza, laguntza eta gizarteratzeari buruzkoak, ezartzen dituen derrigorrezko betebeharrak betetzea (7.3B inprimaki erdua), eta hala badagokio, horri dagozkion neurri osagarriak adieraztea.

Irizpide eta balorazio-muga hauek kontuan izanda onartuko diren proiektuak hautatuko dira (gehienez 100 puntu). Gutxienez 50 puntu lortzen ez dituzten proiektuak ez dira diruz lagunduko.

- Elkartearen ibilbidea, jarraitutasuna eta egonkortasuna: puntu 1 /urteko; gehienez 20 puntu.
- Burutu beharreko programa edo jardueraren kalitatea eta interesa euskararen normalizazioaren ikuspegitik: gehienez 30 puntu.
- Bideragarritasun ekonomikoa eta finantza-baliabideak (gehienez 10 puntu)
- Aurkeztutako programaren gizarte-eragina, jarduerak irekiak eta herritar guztiei zuzenduak izatea, parte-hartzaile kopurua (10 punturaino).
- Beste erakunde, herritar eta gainerako gizarte-eragileen inplikazio-maila eta ekimen berritzailea izatea (10 punturaino).

- Elkartea Zarauzkoa izatea (10 punturaino).
- Dirulaguntza jasotzen duten elkarten ardura-postuetan eta erabakitzeako organoetan emakumeen parte-hartzea gutxienez % 40koa izatea: 5 puntu; betetzen ezpada: 0 puntu.
- Dirulaguntza jasotzen duten elkarten osaeran emakumeen parte-hartzea gutxienez % 40koa izatea: 5 puntu; betetzen ezpada: 0 puntu.

## 5. GEHIENEZKO KONTZEPTUAK ETA ZENBATEKOAK:

Deialdi bakoitzean eskaini ahal izango diren gehienezko kontzeptuak eta zenbatekoak ondoren zehaztutakoak dira:

- a) Erakundeek motibazioa sustatzeko antolatutako jarduerak eta programak.

Proposatutako dirulaguntzaren zenbatekoak ez du programaren aurrekontuaren % 75 gaindituko.

- b) Erakundeek euskararen ezagutza sustatzeko antolatutako jarduerak.

Proposatutako dirulaguntzaren zenbatekoak ez du programaren aurrekontuaren % 75 gaindituko.

- c) Euskararen erabilera sustatzea helburu duten erakundeen jarduerak eta programak.

Proposatutako dirulaguntzaren zenbatekoak ez du programaren aurrekontuaren % 75 gaindituko.

- d) Erakundeek edo pertsona fisikoek Zarautzekin eta Euskararekin lotuta antolatutako ezohiko proiektuak eta jarduerak.

Proposatutako dirulaguntzaren zenbatekoak ez du programaren aurrekontuaren % 75 gaindituko.

Dirulaguntzen emakida gehienez dagokion partidaren aurrekontuko diru-izendapenaren mugaraino egingo da.

Salbuespen gisa, banku-bermeko gastuak diruz lagundu ahal izango dira, diruz lagundutako jarduera modu egokian prestatzeko edo burutzeko ezinbestekoak baldin badira, eta horien onarpena Balioespen Batzordearen iritzira utziko da.

## 6. ONURADUNEN BETEBEHARRAK

1. Diruz laguntzen den jarduera gauzatzea.
2. Zerga betebeharrak eta Gizarte Segurantzarenak beteta eta egunean dituela egiaztatu. Betebehar horiek betetzen direla egiaztatu ahal izateko, baimena emango dio Zarauzko Udalarari honek bere aldetik erakunde eskudunei informazioa eskatzeko.

3. Diruz lagunduko diren egitasmoen helburu nagusiak euskararen aldeko motibazioa, ezagutza eta erabilera sustatzea direnez, euskara erabiliko da arlo guztietan, hedapenean eta jarduera bera gauzatzekoan ere bai. Xede taldearen berezitasunak edo landu beharreko gaiak hala eskatzen duenean, jarduera elebrietan eskaini ahal izango da, beti ere euskara lehenetsita.
4. Emakumeen eta Gizonen Berdintasunerako otsailaren 18ko 4/2005 Legearen arabera ondorengo betebeharrak zehazten dira:
  - a) Sexuaren, ideologiaren, jaioterriaren, nazionalitatearen edo sexu-joeraren ziozko diskriminaziorik ez egitea, kideak aukeratzeko prozesuan ezta lan-jardunean ere.
  - b) Administrazio-zehapenik edo zehapen penalik ezarrita eta indarrean ez izatea, sexuagatiko diskriminazioa egin izanagatik.
  - c) Dokumentazio, publizitate, irudi edo material guztietan komunikazioa modu ez-sexista eta barneratzailean erabiltzea. Emakumeak diskriminatzen dituen edozein irudi edo estereotipo sexista saihestea; eta berdintasun-balioak, emakume eta gizonen presentzia orekatua, dibertsitatea, erantzunkidetasuna, rol-aniztasuna eta genero-identitate anitzak erakusten dituzten irudiak sustatzea.
  - d) Dirulaguntza justifikatzeko memorian sexuaren araberako datuak ematea (kopuru absolutuetan edo portzentajeetan).
  - e) Antolatutako jarduera, ekitaldi edo ikuskizunak eduki sexistarik gabekoak izatea.
5. Ingurumenari buruzko Udal Araudiaren arabera ondorengo betebeharrak zehazten dira:
  - a) Elkarte/erakunde honek bere jarduera guztietan sortuko dituen hondakinak gaika sailkatzea eta behar den bezala kudeatzea.
  - b) Elkarte/erakunde honek bere jarduera guztietan birziklatutako materialez egindako paper, kartoi... erabiltzea, bi aldetatik inprimatutakoak, eta abar.
6. 18/1998 Legea, ekainaren 25ekoa, drogamenpekotasunen arloko aurrezaintza, laguntza eta gizarteratzeari buruzkoaren arabera ondorengo betebeharrak zehazten dira:
  - a) Elkarte/erakunde honek beren jarduera guztietan alkoholdun edarien publizitaterik ez egitea, eta 18 urtetik beherakoei alkoholdun edaririk eta tabakorik ez saltzea edo hornitzea.

## **7. ZUZKIDURA ETA AURREKONTUKO PARTIDA**

Dirulaguntzen zuzkidura eta aurrekontuko partidak Euskara Departamentuaren urteko deialdietan ezarriko dira.

## **8. EBAZPENA**

Ebazpena Zarauzko Udaleko Ordenantza Orokorrean ezarrita dagoenari jarraiki egingo da.

## Organo eskudunak

- Antolamendua eta instrukzioa (Instrukzio-organoa): Euskara Departamentuko arduraduna.
- Azterketa eta balioespena (Balioespen Batzordea): Kide anitzeko organo bat, dirulaguntza ematen duen Departamentuko informazio-batzordeko kideek osatutakoa.
- Ebazpena (Organo eskuduna): Alkatetzari edo Tokiko Gobernu Batzarrari egokituko zaio, Udalaren administrazio-antolamenduan une bakoitzean indarrean diren eskumenekin eta aldi bateko eskuordetzeekin bat etorritik.

## Jakinazpen-epea

Dirulaguntzen ebazpena jakinarazteko epea Zarauzko Udaleko Ordenantza Orokorrean ezarritakoa izango da.

## 9. DIRULAGUNTZAREN ERABILERAREN JUSTIFIKAZIOA

Dirulaguntzaren erabileraren justifikazioa Zarauzko Udaleko Ordenantza Orokorrean ezarritakoari jarraiki egingo da, eta Euskara Departamentuaren urteko deialdian ezartzen den epean aurkeztu beharko da.

Onuradunak modalitate hauetako baten bidez justifikatu ahal izango du, ezarritako baldintzak bete direla eta dirulaguntzaren emakidan aurreikusitako helburuak lortu direla:

- Justifikazio-kontua
  - gastuaren frogagiriak ekarrita
  - ikuskariaren txostena ekarrita
  - erraztua
- Moduluka egiaztatzea
- Kontabilitate-egoerak aurkeztea

Justifikazio-kontuak gutxienez informazio hau izan beharko du barne:

1. Dirulaguntzaren emakidan ezarritako baldintzak bete direla justifikatzeko **jardueramemoria** bat, burututako jarduerak eta lortutako emaitzak adierazteko. Memoria horrek gutxienez ondorengo atalak izango ditu:

### PROIEKTU EDO JARDUERAREN IZENA

#### Egindako lan-prozesuaren deskribapena:

- a) Gauzatutako jardueren zehazpena: datak, jarduerak, tokiak...
  - Diruz lagundutako jardueren deskripzio zehatza eta edukia
  - Lortutako helburuak
  - Genero-ikuspegia txertatzeko hartutako neurrien deskripzio zehatza



- Partaideen kopurua sexuaren arabera (kopuru absolutuetan edota portzentaian)
- Emaizten ebaluazioa
- Beste alderdi batzuk

Dirulaguntzaren balorazio-irizpideak bete direla justifikatzeko jarduera-memoria. Jarduera-memoriak elkartek balorazio-irizpideak betetzeko hartzen diren neurriak zerrendatuko ditu.

- b) Euskararen erabilera errealari buruzko 7.3E inprimaki Eredua betetzea, eta hala badagokio, Euskararen Erabilera Normalizatzeko Udal Araudiari dagokionez, oinarri hauetan derrigorrez ezarritakoari erantsitako neurri osagarriak zehaztea.
  - c) Hala badagokio, Emakumeen eta Gizonen Berdintasunerako otsailaren 18ko 4/2005 Legeari dagokionez, oinarri hauetan derrigorrez ezarritakoari erantsitako neurri osagarriak zehaztea.
  - d) Hala badagokio, Ingurumenari buruzko Udal Araudiari dagokionez, oinarri hauetan derrigorrez ezarritakoari erantsitako neurri osagarriak zehaztea.
  - e) Hala badagokio, 18/1998 Legea, ekainaren 25ekoa, drogamenpekotasunen arloko aurrezaintza, laguntza eta gizarteratzeari buruzkoari dagokionez, oinarri hauetan derrigorrez ezarritakoari erantsitako neurri osagarriak zehaztea.
  - f) Diruz-lagundutako jarduera egiteko erabilitako material grafikoa eta idatzita: programak, kartelak, iragarkiak, publizitatea...
2. **Memoria ekonomiko** bat, egindako jardueren kostua justifikatzeko, eta hauek barne hartuko dituen:
- a) Jardueraren gastuen eta inbertsioen ordainketaren **erantzukizunpeko adierazpen bat**, honakoak adierazita: pertsona edo erakunde hartzekodunaren eta dokumentuaren identifikazioa, zenbatekoa, jaulkipen-data, eta, hala badagokio, ordainketa-data. Dirulaguntza aurrekontu baten arabera ematen bada, gertatutako desbiderapenak ere adieraziko dira (erabili 7.3F inprimaki eredia).
  - b) Aurreko paragrafoan aipatutako zerrendako gastuen frogagiriak, edo pareko frogabalioa edo administrazio-eraginkortasuna duten dokumentuak, dirulaguntza publikoaren xedea bete dela ziurtatu ahal izateko, dagozkion transferentzien agiriekin edo aurkeztuko da dirulaguntza kobratuko den kontu-korrante/euskarriko mugimendu guztien xehetasuna, hain zuzen ere, diruz lagundutako epealdian egindakoa.
  - c) Diruz lagundutako jarduera finantzatu duten diru-sarrera edo dirulaguntza guztien **erantzukizunpeko adierazpena**, elkartearen diruzainak sinatutakoa, horien zenbatekoa eta jatorria adierazita (erabili 7.3F inprimaki eredia).

Hala badagokio, aplikatu gabeko geldikinen kasuan, diru-itzuleraren eta horietatik sortutako interesen ordainketa-gutuna.

**Gastuen frogagiriak dituen justifikazio-kontua** erabiliz gero, aldez aurretik ezarri ahalko da justifikaziorik behar izango ez duen goren muga (portzentajea) edota kopurua. Goren muga edota kopuru zehatza, bere kasuan, Euskara Departamentuaren urteko deialdian ezarriko da.

Orobat, joan-etorrien, mantenuaren eta abarren gastuak modulu bidez justifikatu beharko direla erabaki da. Modulu horien zenbatekoak Euskara Departamentuaren urteko deialdian onartuko dira.

## **10. DIRULAGUNTZEN ABONUA ETA AURRERAKINAK**

Dirulaguntzen abonua Zarauzko Udaleko Ordenantza Orokorrean ezarritakoari jarraiki egingo da.

Ordainketa aurreratua egin ahal izango dira justifikazioaren aurretiko fondo-entrega moduan, dirulaguntzei atxikitako jarduerak burutzeko nahitaezko finantzaketa gisa, aurrez behar bezala justifikatutako eskaera eginda. Nolanahi ere, azken zatiaren abonua egindako gastuaren justifikaziora baldintzatuta geratuko da.

## **11. PUBLIZITATEA**

Dirulaguntzen onuradunak diruz laguntzeko den edozein programaren, jardueraren, inbertsioen edo jardunen izaera publikoari buruzko publizitatea euskaraz egin beharko du.

Publizitate horretan Zarauzko Udaleko Euskara Departamentuaren erakunde-irudia txertatu beharko da derrigorrez, eta baita finantzaketa publikoari buruzko hitzak ere txartel, plaka oroigarri, material inprimatu, euskarri elektronikoa edo ikus-entzunezko, edo komunikabideetan egindako aipamenetan.

## **12. ARAUDIA**

Oinarri berezi hauetan aurreikusi ez den orotan arau hauek aplikatuko dira: azaroaren 17ko Dirulaguntzen 38/2003 Lege Orokorra (azaroaren 18ko BOE); horren garapenerako Erregelamendua, uztailaren 21eko 887/2006 Errege Dekretuaren bidez onartua (uztailaren 25eko BOE); eta Zarauzko Udalak eta bere Erakunde Autonomoek dirulaguntzak emateko Ordenantza Orokor arautzailea.

**DATUAK**

Hasierako onespena	2019ko martxoaren 28an
Iragarkia GAOn	2019ko apirilaren 5en (66 zk.)
Alegazioak aurkezteko epea:	2019ko maiatzaren 23an
GAOn testua:	2019ko irailaren 6an (170 zk.)
Indarrean:	2019ko urriaren 1ean